

46. Waxay la mid noqon Malintay arkaan (Qiyaamada) iyagon nagaanin Galab iyo Barqin mooyeen (Adduunka).

كَانَتْهُمْ يَوْمَ يَرَوْنَهَا لَوْلَيْسُوا إِلَّا الْعَشِيَّةَ أَوْ صُحُفَهَا ﴿٤٦﴾

Isagoo Eebe u nicmeeyay yaa haddana Dadku xaqa beenin iyo Qiyaamadaba, markase dhabtu timaaddo Eebana la hor yimaaddo waxaa la kala aadi Laba Waddo, Jaxiima iyo Janno, Qiyaamadu markay dhicina Eebaa ku cilmi leh. mase aha wax la dadajisto, waxaase wax tari in wanaag la hormarsado, raaxa Adduun iyo ku raagiddiisuba waa wax yar. Qataada wuxuu yidhi: Addunyadu way la yaraan Dadka markay Akharo arkaan. An-Naazicaat (27-46).



Magaca Eebe yaan ku billaabaynaa ee naxariis guud iyo mid gaaraba naxariista.

بِسْمِ اللَّهِ الرَّحْمَنِ الرَّحِيمِ

- 1. Wajiguu u uruuriyay oo jeedsaday (Nabigu).
- 2. Inuu u yimid kii Indhaha la'aa.
- 3. Miyaad ogtahay inay u dhawdahay inuu hanuuno oo Daahir noqdo.
- 4. Ama uu xusuusto oy xusuusto anfacdo.
- 5. Ruuxiise is deeqtoonaysiia (islana waynaada).
- 6. Ma; Adaa u bambixi.
- 7. Maxaa kaa saaran hadduusan hanuunin.
- 8. Ruuxiise kuu yimaadda isagoo dagdagi.
- 9. Oo Eeba ka yaabi.
- 10. Miyaad ka shuqloomi.
- 11. Saas ma; aha ee Aayadahani waa waano.

عَبَسَ وَوَوَّى ﴿١﴾

أَنْ جَاءَهُ الْأَحْمَى ﴿٢﴾

وَمَا يَدْرِيكَ لَعَلَّهُ يَتَرَكَّى ﴿٣﴾

أَوْ يَذَّكَّرُ فَتَنْفَعَهُ الذِّكْرَى ﴿٤﴾

أَمَّا مَنْ أَسْتَفْتَى ﴿٥﴾

فَأَنْتَ لَهُ تَصَدَّى ﴿٦﴾

وَمَا عَلَيْكَ أَلَّا يَزْكَى ﴿٧﴾

وَأَمَّا مَنْ جَاءَكَ يَسْعَى ﴿٨﴾

وَهُوَ يَخْشَى ﴿٩﴾

فَأَنْتَ عَنْهُ تُلَهَّى ﴿١٠﴾

كَلَّا إِنَّهَا تَذْكِرَةٌ ﴿١١﴾

12. Ruuxii doonana wuu ku waana qaadan.

فَمَنْ شَاءَ ذَكَرْهُ ﴿١٢﴾

Suuraddani waxay ku soo dagtay mar Nabigu (naxariis iyo nabadgalyo korkiisa Eebe ha yeelee) uu ku shuqloonaa qaar ka mid ah Gaaladii Qureesheed ee Makaad si uu ugu sharxo Diinta Islaamka ah'markaasaa waxaa u yimid Nin Indha la'aa la dhihi jirayna Cabdullaahi Ibnu Ummi Makuutum, wuxuuna ku celceliyay Nabiga Hadalka, Hase yeeshee Nabigu wuxuu wali ku shuqloonaa hanuuninta Gaaladaas, Markaasaa Eebe Suuraddan soo dajiyay, Nabiguna had iyo jeer wuxuu soo dhaweenjiray Saxaabigaa la soo sheegay isagoo dhihi jiray: Soo dhawow Kii Eebe Igu dagaalayow, taasina waxay ku tusin Caddaaladda iyo sinnaanta islaamka, Eebana cidduu doono wuu hanuunin. Cabasa (1-12).

13. Waxay ku sugantahay (waanadu) Kutub Sharaf leh.

فِي صُحُفٍ مُّكَرَّمَةٍ ﴿١٣﴾

14. Oo la kor yeelay lana Daahiriyay.

رَفُوعَةٍ مُّطَهَّرَةٍ ﴿١٤﴾

15. Oy Gacanta ku hayaan Malaa'ig (wax qorta).

بِأَيْدِي سَفَرَةٍ ﴿١٥﴾

16. Sharafna leh oo baarri ah.

كِرَامٍ بَرَرَةٍ ﴿١٦﴾

17. Gaalo halla lacnado Gaalnima badanaa.

قُلُوبِ الْإِنْسَانِ مَا أَكْثَرُهَا ﴿١٧﴾

18. Muxuu Eebe ka abuuray kuwaas.

مِنْ أَيِّ شَيْءٍ خَلَقَهُمْ ﴿١٨﴾

19. Dhibicbuu ka abuuray wuuna ekeeyay.

مِنْ نَفْسَةٍ خَلَقَهُ فَقَدَرَهُ ﴿١٩﴾

20. Jidkana wuu u fudaydiyay.

ثُمَّ السَّبِيلَ يَسَّرَهُ ﴿٢٠﴾

21. Markaasuu dilaa Qabrina ku Asturaa.

ثُمَّ أَمَانَهُ فَاقْبَرَهُ ﴿٢١﴾

22. Markuu doonana wuu soo bixin.

ثُمَّ إِذَا شَاءَ أَنشَرَهُ ﴿٢٢﴾

23. Saas ma; aha (ee Dadku) wixii la faray ma yeelin.

كَلَّا لَمَّا يَقِضْ مَا أَمَرُهُ ﴿٢٣﴾

Kutubta Eebe iyo Waxyiisaba waxaa maamula Malaa'ig sharaf leh oo daahir ah, Gaalase ma oggolaato xaqa Kibir iyo isla wayni dartiis, iyagoo garan waxa Eebe Dadka ka abuuray iyo siduu ugu sama falay, Dadse ma falin wixii Eebe fara y. Ibnu Cabbaas wuxuu yidhi: Jidkaa loo sahlay waa ka soo bixiddi uurka Hooyo, Cikrimana saasuu Qabaa iyo Ibnu-Jariir. Labada Jid yaa loo kala caddeeyayna waa la dhahaa. Mujaahidna wuxuu yidhi: Ruuxna ma wada falo wixii Eeba wada faray. Cabasa (13-23).

24. Dadku ha fiiriyo Cuntadiisa.

فَلْيَنْظُرِ الْإِنْسَانُ إِلَى طَعَامِهِ ﴿٢٤﴾

25. Inaan Roob ku soo shubno.

أَنَا صَبَبْنَا الْمَاءَ صَبَابًا ﴿٢٥﴾

26. Dhulkana markaas aan jeexno. ثُمَّ سَفَعْنَا الْأَرْضَ سَفْعًا ﴿٦٦﴾
27. Kana soo bixinno Midho. فَأَبْتَأْنَا فِيهَا حَبًّا ﴿٦٧﴾
28. Iyo cinab iyo Daaqa (Xoolaha). وَعِنَبًا وَقَضْبًا ﴿٦٨﴾
29. Iyo Zeytuun iyo Timir. وَرِزْقًا وَنَخْلًا ﴿٦٩﴾
30. Iyo Beero waawayn. وَحَدَائِقَ غُلْبًا ﴿٧٠﴾
31. Iyo Faakiho (khudaar) iyo Daaq. وَفَلَاحَةً وَأَنَا ﴿٧١﴾
32. Si aad ugu intifaacdaan idinka iyo xoolihiinnu. مَنْعًا لَكُمْ وَلَا نَعْمَكُمْ ﴿٧٢﴾
33. Markay Qayladii darrayd timaaddo (Suurka). فَإِذَا جَاءَتِ الصَّلَاةُ ﴿٧٣﴾
34. Waa maalinta Ruuxu ka carari Walaalkiis. يَوْمَ يَفِرُّ الْمَرْءُ مِنْ أَخِيهِ ﴿٧٤﴾
35. Iyo Hooyadiis Iyo Aabihiis. وَأُمِّهِ وَأَبِيهِ ﴿٧٥﴾
36. Iyo Haweenydiisii iyo Carruurtiisii. وَصَحْبِهِ وَوَلَدِهِ ﴿٧٦﴾
37. Ruux walbana Maalintaas waxaa shuqlin xaalkiisa. لِكُلِّ أُمَّرِي مِنْهُمْ يَوْمَ يُدْرَسُ أَنْ يُعْجِبَهُ ﴿٧٧﴾
38. Wajiyaal Maalintaas way Nuuri (Farxi). وَوُجُوهُ يَوْمَ يُدْرَسُ سُفْرَةٌ ﴿٧٨﴾
39. Wayna Qosli oy bishaaraysan. صَاحِكَةٌ مُسْتَبْشِرَةٌ ﴿٧٩﴾
40. Wajiyaalna Maalintaas waxaa ka muuqan Dulli. وَوُجُوهُ يَوْمَ يُدْرَسُ عَلَيْهَا غَبْرَةٌ ﴿٨٠﴾
41. Waxaana dabooli Madow (iyo naxdin). تَرْهَقُهَا قَتَرَةٌ ﴿٨١﴾
42. Kuwaasina waa Gaalada Faa-siqiinta ah (aadna u xun). أُولَئِكَ هُمُ الْكٰفِرُونَ الْعَجَّةُ ﴿٨٢﴾

Eebe wuu u nicmeeyay Dadka, Cirka iyo Dhulkana khayraad-buu uga soo saaray si ay ugu nacfiyaan uguna mahadiyaan, maxaa yeelay waxaa iman Maalin daran oo Ruuxba Ruux ka carari dhibaato darteed kolay tahay Qaraabadii, Dadku Labuu noqon, mid farxoo bishaaraysta camalkiisii fiicnaa dartiis, iyo mid dullaysan oo naxsan waana Gaalada xad-gudubtay.

Sawda Haweenaydii Nabiga ahayd waxaa laga wariyay inay tidhi: Rasuulkii Eebe wuxuu yidhi Naxariis iyo Nabadgalyo korkiisa Eebe ha yeelee: «Dadka waxaa la soo bixin iyagoo Kaba la; oo qaawan oon Gudnayn Dhididkuna xakameeyay gaadhayna dhagaha» markaasaan idhi: Alla Cawradaay qaar qaar ma dayi? markaasuu yidhi: Dadka waa la shuqliyay (Ruux walba Xaalkiisaa ku fillaan). Cabasa (24-42).